



# SRHF-ZMC COVID-19 TASKFORCE BULLETIN

Office of the Medical Superintendent  
State Referral Hospital, Falkawn  
Zoram Medical College

Issue No. 94

Date 21.06.2020 - 5:00 pm

► Vawiin hian ZMC, Falkawn-a Covid-19 laboratory-ah test neih leh mek a ni a, result hi naktuk lamah chhuak tura beisei a ni. Hriat theih chinah vawiin hian ZMC, Aizawl, Champhai, Lunglei leh Khawzawl sample-te test an ni. Nimin lama sample test 638-a result hriat tawh zingah positive 1 hmuhchhuah a ni a, hmeichhia, Aizawl a Quarantine mek, Maharashtra atanga lo haw a ni. Nimin lama test-te hi ZMC, Aizawl, Lunglei, Mamit, Khawzawl leh Siaha atanga sample dawnte an ni.

► Vawiin khan Falkawn damdawiinah Covid 19 damlo 1 leh rinhlelh 1 admit thar an ni a, rinhlelh hi sample test mek a ni a, result hi naktuk lamah chhuak tura beisei a ni.

## SRHF - ZMC COVID-19 Data as on 21.6.2020


Particulars	Last 24 hours	Cumulative
Suspected Cases *	1	231
Suspected sample tested *	1	230
Total sample positive *	1	140
Confirmed Active case	1	132
Cured / Discharged	0	9

## ADMISSION as on 21.6.2020

Particulars	Last 24 hours	Total
ICU	0	0
Isolation Ward (Confirmed)	1	40
Risk Ward	1	6
Make Shift ICU Ward/SARI Ward	0	0
NICU	0	0
Holding Ward	0	4
MPW	0	3

\*ZMC data only

► Nimin lama Covid 19 damlo hmuhchhuah thar chu ZMC ah vawiin khan admit fel a ni. Tun dinhmunah ZMC ah Covid 19 damlo 40 enkawl mek an ni a, mipa 11 leh hmeichhia 29, kum 14 atanga 57 inkar, Aizawl mi 30, Kolasib mi 5, Saitual mi 3, Serchhip mi 1 leh Mamit mi 1 te an ni. An vai hian harsatna em em nei lovin, Isolation Ward ah enkawl mek an ni. An dam thuai theih nan tawngtaipui ang u.



Covid 19 dona kawnga pawimawh tak RT-PCR khawl, Hauva & Sons-ten an rawn donate chu a tul ang angte peihfel niin, tangkai taka hman a ni. An chungah lawmthu kan sawi e.



Lab-Technician 4, Silchar Medical College-a training tura kalte pawh tha taka training zovin an lo haw tawh a, a theih veleh ZMC Covid 19 lab-ah duty an tan ang.

**COVID 19 AMBULANCE**  
**Covid 19 lanchhuahna heng - Khawsik,**  
**Khuhro, Thawk lama harsatna nei, inentir duh,**  
**kalna nei silo Ambulance mamawh tan a**  
**hnuai number-ah hian biak theih a ni.**

**102 (Toll Free)**  
**0389-2322318 / 0389-2313000**  
**9436150122, 7005337472**

**KRISTA TA**

- Mathani Tlau

Anih leh, in taksa chu, in chhunga awm Pathian hnen atanga in hmuh, Thlarau Thianghlim in a ni tih in hre lo em ni le? Mahni ta pawh in ni lo va, mana lei in ni tawh asin, chuvangin in taksaah chuan Pathian chawimawi rawh u.1 Kor 6 : 19-20

Hri vei ve ta ang hialin i inngai tawh thin em? Kan hun tawn hian taksa mai nilovin rilru thleng pawh hian min ti chauvin hlauhawwna min thlen nasa hle. Hun danga kan pal zam theih mai natnate pawh tunah chuan min ti hlauthawng hma ta em em a, tu hriatpui lem loh a hah ruk riau chang pawh a awm awl ta viau mai.

Mahse, kan taksa chung a thuneitu hi Pathian chauh a ni tih leh min hmangaih em avangin a fapa Isua Krista thisena min lei tawhna hian min thlamuan se la, kan chung a thuneitu hi amah kan Pa kan Pathian chauh hi a ni. Ama zarah kan nung kan che a ni si a. Thihna te, natna te hlau tawp lo turin kan nun hi Krista ah thuhrukin a awm si a.

Hlauva awm leh turin bawih nihna thlarau inhmu si lo va; fa nihna thlarau inhmu a ni zawk e, chu thlarau avang chuan 'Abba' (Ka Pa) tiin kan au thin hi. Rom 8:15

Sd/-

**( Dr. H. C. LALDINA )**  
**Medical Superintendent**  
**SRHF, Falkawn - ZMC**